



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-029-4/25**

Datum: **22.04.2025. godine**

«Agencija za vodno područje rijeke Save» Sarajevo rješavajući po zahtjevu Investitora JP „CESTE Federacije BiH“ d.o.o. Sarajevo, za izdavanje prethodne vodne saglasnosti za rekonstrukciju mosta preko potoka Krbava, desna pritoka rijeke Sane, dionica magistralne ceste M15, na potezu Kamičak - Ključ, na osnovu člana 109. stav (1) tačka 9. i 10. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) **donosi:**

RJEŠENJE **o prethodnoj vodnoj saglasnosti**

1. Daje se prethodna vodna saglasnost podnosiocu zahtjeva JP „Ceste Federacije BiH“ d.o.o. Sarajevo, za izradu projektne dokumentacije za rekonstrukciju mosta preko potoka Krbava desna pritoka rijeke Sane, dionica magistralne ceste M15, na potezu Kamičak - Ključ, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod sljedećim uvjetima:
 - 2.1. Izraditi i revidirati investiciono-tehničku dokumentaciju na nivou potrebnom za pribavljanje odobrenja za građenje, u kojoj će se dati tehnička rješenja rekonstrukcije postojećeg mosta preko potoka Krbava u vodnom dobru rijeke Sane, način prikupljanja, tretmana i konačne dispozicije oborinskih onečišćenih voda sa saobraćajnice, brdskih i zaobalnih voda, u cilju eliminiranja negativnih uticaja po režim voda, koji nastaju na tom lokalitetu. Investiciono-tehnička dokumentacija treba biti izrađena i revidirana od strane pravnih lica koja imaju ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»), a u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
 - 2.2. Projektna dokumentacija pored općih uvjeta treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22) koja su bitna za konkretan slučaj.
 - 2.3. U sklopu projekta treba dati hidrološki proračun kojim će se definirati količine vode koje se mogu pojaviti u formi oborina, povremenih ili stalnih površinskih tokova koje je potrebno regulirati, odnosno propustiti ispod mosta i osigurati bezbjedno oticanje.
 - 2.4. Sa vodoprivrednog aspekta kota, donje ivica konstrukcije mosta treba da bude viša za minimalno 80 cm računajući i proračunati uspor u odnosu na kotu velike vode ranga pojave 1/100 godina.
 - 2.5. Obalni upornjaci (stubovi) mosta, u odnosu na prirodni poprečni profil korita rijeke, trebaju imati takav položaj da ne smanjuju širinu prirodnog korita.
 - 2.6. Sastavni dio investiciono - tehničke dokumentacije za izgradnju mosta treba biti Elaborat/projekat u kojem će se provesti hidraulički proračun propusne moći otvora mosta, odrediti nivo stogodišnje velike vode na lokaciji mosta sa eventualnim usporom, provesti hidraulički proračun za dionicu uzvodno i nizvodno od mosta te utvrditi vučne napone u koritu vodeći računa o morfologiji obale uzvodno i nizvodno od mosta, te za slučaj ako su veći od dozvoljenih u prirodnim koritu odrediti potrebnu dužinu prelaznih dionica od obalnih upornjaka do prirodnog korita sa oblaganjem kosina korita u svrhu zaštite od erozije.
 - 2.7. U projektnoj dokumentaciji dati tehničko rješenje sistema za prikupljanje i ispuštanje oborinskih voda sa konstrukcije mosta u recipijent, definisati mjesto ispuštanja oborinskih voda u recipijent te dati detalj ispusta.
 - 2.8. Projektna rješenja koja se odnose na rekonstrukciju mosta i ispusta iz sistema za odvodnju i tretman oborinskih voda sa kolovoznih površina izvesti na način da se ne ugrozi okolno zemljište i objekti.

- 2.9. Pri izradi projektne dokumentacije pažnju posvetiti na položaj postojećih instalacija (vodovodne, kanalizacione, elektro, PTT i dr.) te dati tehničko rješenje za ukrštanje ili izmještanje istih.
- 2.10. Projektom dokumentacijom treba, u skladu sa zakonskim propisima, definisati način privremenog pa sve do konačnog zbrinjavanja otpada koji će nastati u toku rekonstrukcije mosta i uređenja obala i vodotoka.
- 2.11. Otpad koji će nastati u toku izvođenja planiranih radova se ne smije ni privremeno odlagati na česticu «vodno dobro», odnosno unositi u vodotok i na njegove obale.
- 2.12. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
- 2.13. Za izgradnju sabirnih kanala ili drugih objekata za odvodnju oborinskih voda preko zemljišta koje je u vlasništvu fizičkih ili pravnih lica ili ispuštanje oborinskih voda u kanale ili druge odgovarajuće objekte u vlasništvu fizičkih ili pravnih lica, potrebno je, u skladu sa članom 150. Zakona o vodama, pribaviti odgovarajuću saglasnost od istih.
3. Po izradi investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti.
4. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15).

Uz zahtjev se prilaže:

- 5.1. Revidovana Investiciono-tehnička dokumentacija zahtijevana tačkom 2. ovog Rješenja.
- 5.2. Rješenje o urbanističkoj saglasnosti za predmetnu saobraćajnicu.
- 5.3. Okolinska dozvola ako je predviđena Zakonom.
- 5.4. Dokaz o izvršenoj uplati administrativne takse u iznosu od 60 KM.
5. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju.
6. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

9. JP CESTE Federacije BiH d.o.o. Sarajevo, dana 17.01.2025. godine, obratilo se ovoj Agenciji sa zahtjevom za rekonstrukciju mosta preko potoka Krbava desna pritoka rijeke Sane, dionica magistralne ceste M15, na potezu Kamičak - Ključ, a u postupku pribavljanja urbanističke saglasnosti.

Uz zahtjev je dostavljeno:

- Ovjerena kopija Rješenja o izmjenama podataka iz sudskog registra broj: 065-0-Reg-21-000653 od 27.04.2021. godine; izdana od strane Općinskog suda u Sarajevu,
- Kopija ovjerenog Uvjerenja o poreznoj registraciji izdano od strane Federalnog ministarstva finansija - Porezne uprave Federacije BiH – Kantonalni porezni ured Sarajevo, dana 01.07.2016. godine,
- Akt Općine Ključ sa dostavljenim podacima izvoda iz posjedovnih listova broj: 65, 252, 378, 379, 380, 381, 287 i 284, K.O. Sokolovo Donje – Ključ sa skicom parcela lokaliteta mosta, akt izdat pod brojem: 03-26-415/24 od 23.12.2024. godine

- Zemljišnoknjižni izvadci izdati od strane Zemljišnoknjižnog ureda - Općinskog suda u Sanskom Mostu, ZK uložak broj: 106, 112 i 456 K.O. Podovi, izdati 10.01.2025. godine od strane ZK ureda u Sanskom Mostu,
- Kopije katastarskih planova broj: 19 i 22 K.O. Podovi izdati od strane Općine Sanski Most 28.11.2024. godine,
- Izjava podnosioca zahtjeva da pravno lice nije u sistemu Jedinštenog registara obveznika indirektnih poreza kod Uprave za indirektno-neizravno oporezivanje Banja Luka,
- Dokaz o Uplati za administrativnu pristojbu u iznosu od 80,00 KM,
- Studija za prethodnu vodnu saglasnost za projekat: „Rekonstrukcija mosta preko potoka Krbava (M15-004-49), na cesti M15, dionica Kamičak-Ključ, km 9+622“ izrađena od strane „SENDO“ doo Sarajevo decembra 2024. godine.

Nakon izvršenog uvida u dostavljeni zahtjev i priloženu dokumentaciju podneska zahtjeva, utvrđeno je da su uz zahtjev dostavljeni neophodni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama o zahtjevu je dana 19.02.2025. godine obaviještena javnost putem obavještenja na oglasnoj ploči «Agencije za vodno područje rijeke Save» u Sarajevu i Područnog ureda u Bijaču, te 19.02.2025. godine u dnevnom listu Oslobođenje. U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

Kroz postupak donošenja rješenja o prethodnoj vodnoj saglasnosti je odlučeno o postojanju uvjeta za realizaciju planiranih aktivnosti prema podnesenom zahtjevu i propisani su uslovi koje mora ispuniti projektna dokumentacija koja obrađuje dio koji se odnosi na: rekonstrukciju postojećeg mosta, prikupljanje i konačnu dispoziciju oborinskih voda sa saobraćajnice, te mjere za umanjenje i sprječavanje negativnih uticaja koji nastaju izgradnjom ovakvog objekta na režim voda (površinskih i podzemnih), eventualnih uticaja na postojeće objekte, stečena prava postojećih korisnika, na planirane objekte i okolinu sa mjerama za ublažavanje tih uticaja.

Na osnovu utvrđenog činjeničnog stanja i dostavljene dokumentacije, te smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama članova Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu i propisani uslovi koje je Investitor dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

Podnosilac zahtjeva je uplatio troškove obavještenja javnosti u javnom glasilu, po zaključku o posebnim troškovima u iznosu 149,00KM.

Podnosilac zahtjeva je uplatio upravnu i administrativnu taksu u iznosu od 80,00 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

UPUTA O PRAVNOM LIJEKU

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife Federalnih administrativnih taksi.

Obrađivač akta: Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata



Fuad Mujagić, dipl. inž. grad.

Dostaviti:

- JP „CESTE Federacije BiH“ d.o.o., Terezija 54.
- ⊙ AVP Sava – ISV Vodna knjiga
- Org.jed. 40 – Arhiva
- Oglasna ploča AVP - Sava